

# LATGALIŠU GAZETA

## Latgališu kultūrys Goda bolva "BOŅUKS" 2008

*Bidreiba "Kukuži", menedžmenta kompaneja "Latgolys Zvaigzne", bidreiba "Latgolys Studentu centrs", bidreiba "Latgolys Etnokultūrys centrs" i bidreiba "Latgolys Producentu Grupa" da ituo goda 12. februaram izsludynoj dasaceišonys laiku iz Latgališu kultūrys Goda bolvu "Boņuks".*

Jureits

Teik paradzāts pasnēgt bolvys par sasnāgumim muzykys, literaturys, sabidreibys i kūpejuos latgališu kultūrys dzeivis teirumā, kab veicynuotum latgališu tradicionāluos i popularuos kultūrys atteisteibu Latgolys regionā i aiz juo rubežu. Vins nu golvonajim ituos idejis virzeituojim ir visim labi zynomais latgališu muzykants Guntis Rasims, kas aicynoj apkūpuot lobuokūs paguojušu goda veikumus i rūsynuot iz prišku kvalitatis i originalitatis paliynuojuumu myusdīnu latgališu kulturā. G. Rasims "Latgališu Gazetai" pastuosteja, ka nūsaukums "Boņuks" kai bolvys tāls tyka izavieleits deļ tuo, ka tys ir pozitivs, jau zynoms, ar Latgolu labi saisteits vuords. Pi tam Boņuks zynomā mārā varātu simbolizēt Latgolys kultūru kūpumā – ar dziļom tradicejom i izpratni par jom, i pats golvonais, ar miļzeigu gribiešonu augt i išpieju atsateisteit. Gols golā tei myusu kultūra taidis "cylvāka bārs" viņ ir.

Bolva "Boņuks" byus gūda nūsaukums, kas aplīcynuos juo sajiemēja nūpalnus i darbeibys atzineigu viertiejuumu. Bolva tiks pišķierāta par kvalitatīvu sabidreibys i profesionālu iviereibu givūšu darbeibu voi jaunradi paguojušu goda laikā.

Bolvys pretendentu pulkā var pisaceit personys i perso-



nu grupys (tymā skaitā fiziskuos i juridiskuos personys), kas sovā darbeibā i jaunradē litoj latgališu volūdu i kas atbylst kaidai nu bolvys nūlykumā nūsauktūs nominaceju.

Sabidreibys i kultūrys jūmā ir četrys leluos nominacejis (Lobuokais pasuokums / projekts; Latgališu kultūrys sponsors / mecenats; Latgališu kultūrys masu medejs i Goda cylvāks), kai ari pīcys "Mozuo Boņuka" nominacejis (Latgališu sabidriskuo organizaceja; Goda školuojuos; Lobuokais latgaliskais pasuokums školā; Lobuokais latgaliskais pasuokums kultūrys / tautys nomā i Goda kultūrys darbinīks).

Muzykys jūmā izvīzātys treis leluos nominacejis: Lobuokais dzīsmē, Lobuokais muzykys albums i Lobuokais muzykys video. Taipat ari muzykā var dasasaceit nominacejai "Mozais Boņuks" (Lobuokuo pop dzīsmē, Lobuokuo šlagera dzīsmē, Lobuokuo rock dzīsmē, Lobuokuo

alternatīvu stila dzīsmē, Lobuokuo tautys muzykys dzīsmē, Lobuokuo dance dzīsmē, Goda debeja muzykā, Lobuokuo koncertgrupa, Radejis hits, Lobuokuo publicitatis akceja muzykā, Latgolys vuoroda populariziešona muzykā i Par iguļdejuumu latgališu muzykys atteisteibā).

Leidzeigai ari literaturys jūmā ir treis leluos nominacejis: Lobuokuo proza; Lobuokuo dzeja i Lobuokais izdavums / gruomota, bet mozaļai nominacejai var pisaceit deveņūs nūsaukumus (Spylgtuokuo publikaceja presē, Spylgtuokuo publikaceja šķārsteiklā, Lobuokais izdavums bārim, Lobuokais tulkuojums, Lobuokuo luga, Spylgtuokuo debeja, Lobuokuo publicitatis akceja literatūrā, Latgolys vuoroda populariziešona literatūrā, Par iguļdejuumu latgališu literaturys atteisteibā)

Vins pretendents var tikt izvīzēts vairuokom nominacejom, tak juoatzeimej, ka bolva natiks pišķierāta tymuos no-

minacejuos, iz kurom byus pisasacejuši mozuok par trejim pretendentim.

Dasaceišona Latgališu kultūrys Goda bolvai "Boņuks" nūteik, rokstūt iz organizatoru nūruodeitū e-postu: producenti@inbox.lv i nūsaucūt seve izvīzēitūs kandidatus kaidai nu nominaceju.

Nominacejom dasaceitūs dorbus, jūs autoros i autoru grupys viertēs žureja – attīceigi ar muzyku, literaturu ci kultūrys dzeivi saisteiti profesionali, kas jau vairuok godu struodoj sovā industrejā. Žurejis lūceķļu vuordi i uzvordi piec nominaceju kandidatu nūsaceišonys tiks dareiti publiski zynomi.

Bolvys "Boņuks" pasnīgšonys svineiguos ceremonējis nūrisis vīta i laiks tiks precizeiti i byus zynomi kūpā ar nominaceju kandidatu paziņuošonu.

Ar pylnu Latgališu kultūrys Goda bolvys "Boņuks" 2008 nūlykumu var išapazeit šķārsteiklā: LaKuGa.LV

"Lynu vaicuojuums i Latgolys zemniks 20. gs. 20. godūs" Pylna konferencis programa šķārsteiklā: www.du.lv

● **30.01.2009. Budžeta vīta vaļsts augstškolā jau tagad!**  
Da 30. janvaram 10.-12. klašu školāni var dasasaceit daleibai konkursā "Ceļā iz zynuotni" i var tik pi tiseibu studēt vaļsts apmokuotā budžeta vīta Daugavpīls Universitatē. Vairuok informacejis šķārsteiklā: LaKuGa.LV

● **14.02.2009. Dzīsmīniku i stuostnīku vokors Rēzeknes rajona Viļānu kultūrys noms**  
"Dzīsmīniku i stuostnīku vokors" pyrmū reizi nūtyka 2003. goda febrālī Modūnys rajona Barkavys kultūrys nomā. Nu 2003. goda itais pasuokums jau ir tradicionals, iz kuru dzīduot i stuosteit brauc ap 200 dalinīku. Vairuok informacejis šķārsteiklā: LaKuGa.LV

Kū vaira volūdu, tū lobuok!

LaKuGa.LV

## Stepon, Stepon, kaida tev kule!

*Seneji nūtykumi biži sasauc ar myusdīnu dzeivis tragikomiskajom nūtikšonuom!*

Petru Pīters

Ot, panymsim itū. 20. godusymta šešdasmytājūs godūs kaidā sasdīnis vokorā sovu mozū unuku vad iz pierti vaciņs Stepons. Kas nūteik pierti? Unuks, iraudziejs veciņa kuoļstarpeitis "breinumus", tyuleņ isasauc: "Stepon, Stepon, kaida tev kule!"

Lyuk, tai – mozajam breinūms par vaciņa lylū kuli.

A kas leidzeibuos šūbreid nūteik myusu vaļstē? Dzierd runojam i radzams pīraksteitajā, ka Latvejai lyla "yudiņsgolva" – Reiga.

Es saceitu – Reiga lyla kule, kas traucej Latvejai steigtis iz lobkluojeibu.

I itei "kule" namuos lylumā, jū 17 godus. Padūmojīt viņ! Dieļ kuo Reigā juobyun vysom ministrejuom! I kotrai tok kloutyn vasala iriedņu nosta...

Dieļ kuo Aizsardzeibys ministreja navarātu atsarast Rēzeknē? Kai soka – tyvuok pi tuos vaļsts rubežim, nu kurys politiski vysy varysveiri bīdnoj tautu. Rēzeknē tok i rubežsorgu kadetu škola atsarūn, i vysa veida ceļu krustojums, i lidlauks pastuov jū nu padūmejis laikim.

Dieļ kuo Izgleiteibys i zynuotnis ministraja navarātu atsarast Kruoslovā? Pat itaidai ministrejai byutu pīnuokums atsarast pīlsātā, kurā tyka dybynuota i ilgus godus dorbovuos pyrmuo augstuo škola Latvejis teritorejā – Kruoslovys goreigais seminars!

A Lauksaimnīceibys ministrejai gon byutu vīta Jelgovā. Ti tok Lauksaimnīceibys universitets ar vysu sovu boguotū pruo-

arsenalū. Ministrejis darbinīkim nabyutu juopinam bārna pruoatā rakstāti lykumi i lāmumi. Byutu viņ juopataisa kaida Universiteta kabineta durovys i profesionalys sliedziņs gotovs par sevkuru vaicuojuumu.

Bārnu, gimīnis i sabidreibys integracejis lītu ministrejai kūpā ar Naturalizacejis puorvaļdi, Volūdys komiseju i.t.t. obligati byutu juonūgruņtej Daugovpīlī. Kur cytur, ka na Daugovpīlī, var redzēt i izjust itai ministrejai pakļautuos problemys rysynuojuumu!

Kultūrys ministrejai, a nemit tū kai grybit, juoatsarūņ Ventspīlī. Itei ir vyseiropeiskuokuo pīlsāta Latvejā. I vysy jymā nūteik i var nūtik.

Nu, a Vides ministrejai vīta voi nu Modūnys, voi nu Kuldeigys pīlsātuos. Kai soka – tyvuok pi tuos vidis, iz kurejū myusim juosatic.

Regionaluos atteisteibys i pošvaļdeibu ministrejai juoatsarūn Jākubpīlī. Ti ir vins nu radzamuokajim dzeivajim pīmārim, kai navajg taiseit regionaluos reformys. Nu, te Dīvam juoraud i Valnam juomierst nūst nu smīklu; Daugava pa vydu, samat vīnā kotlā Krustpīļa pusis latgališus ar Jākubpīļa pusis zemgalim i gryb, lai dzelys pruoveitūs kai iz ponny.

A Jyurmola byutu Uorlītu ministrejis apsamesšonys vyslobuokuo vīta. Kur cytur uorlītu vaicuojuumus kuortuot, ka na jyurys krostā, ka na kuopu zaļajā zonā, ka na skaistajuos privatkotedžuos..?

I kas ta palyktu Reigai? Palyktu, gona kuo palyktu, nu a lyluo "Stepona kule" tyktu sarucynuota. I lobuma gona nu tuo byutu vysim.

Lobuok vaļsti ceļsim ar mīru i bez progoreibys, na ar luostim i grautinim!

"Latgališu Gazetu" atbolsta atgolys regiona atteisteibys agentura i Kulturkapitāla fonds.



### NŪTIKŠONU KALEŅDERS

- **30.01.2009. Starptautiska konference "XIX ZYNUOTNISKĪ LASEJUMI!"**  
DU, Vīneibys 13, Daugavpīls  
– **9:00**, 311. A aud., P. Kivrāns (Rēzekne, Latveja)  
"Boļeslavs Brežgo par Latgolys zemnikim 18. gs."  
– **10:15**, 309. aud., A. Andronovs (Sanktpeterburga, Krīveja)  
"Latgališu literaruos volūdys meikstūs balseigūs leidzskanū fonologiskuo patstuoveiguma problema"  
– **11:05**, 309. aud., I. Dzene (Reiga, Latveja)  
"Īskots Fr. Trasuna volūdnicēibys redziņūs"  
– **12:00**, 311. A aud., K. Шумская (Novosibirska, Krīveja) "Общественные инициативы сибирских латгалцев: 1918–1938 гг."  
– **13:00**, 311. aud., V. Malahovskis (Rēzekne, Latveja)